



Branch Executive Meeting neih a ni.

Chanmari West, May 22: Chanmari West Branch YMA Executive Meeting chu 17th May, 2011 (Thawhleh) zan khan President, Pu T.Ngurkhuma kaihraina in Pu C.Lalmuankima (T-Section) te Inah thutkhawm a ni.

Meeting ah hian YMA Day hman dan tur chungchang, CYMA in Vai mistiri hlawh a bituk chungchang leh Ni 24.3.2011 zana hruaitu intuaithama programme neih a thupui te sawiho a ni.

Thurel tlangpui te :-

1. 2011 YMA General Conference, October thla a Kolasib a neih turah, kan Branch YMA in Zaipawl intirh nise ti a a lo rel tawh chu Chanmari West Presbyterian kohhran-in Mashihhi Sangati Convention October thla vek hian a thleng dawn a, YMA member leh hruaitute indaihlohna a awm theih dawn avangin intirh loh mai nise tih a ni.

2. Ni 15.6.2011-a YMA Day lo thleng tur chu a lawmna hun hman ngei nise tih a ni a, he hunah hian vengchhunga damlo te YMA Day pualin kan/tlawh ni bawk se tih a ni. YMA Day ah hian Section hrang hrang te item chi hrang hrang ah intihhlamma neih nise tih rel a ni. YMA Day atan hian a tul anga hma lo la turin Programme Committee din a ni a, hetiang hian mawhphurhna siam a ni :-

- Chairman : Pu R.Lalmachhuana, Vice President.
- Secretary : Tv.Zairemmawia, Br.Executive.
- Member : 1.Branch Office Bearers. 2.Section Asst.Leader te.

3. Central YMA in Vai Mistiri hlawh ` 300/- leh helper hlawh ` 150/- aia sang lo tura hriattirna a chhuah chu kan Branch YMA ah pawh hmalak chhoh nise tih a rel a. He hriattirna hi vengchhunga Vai hnathawk chhawr zawng zawngte Central YMA in hriattirna a chhuah ang ngei a chhawr turin Branch Executive Committee chuan veng mipuite a ngen a ni.

4. Ni 24.3.2011 zana hruaitu intuaithama programme neih a thupui te hetiang hian sawihona neih a ni.

a) *Section leh Sub-Committee hnatlang* :- Section leh Sub-Committee hnatlang ah hian kan tha thawkhat viau niin alang a, tan lak zual erawh kan la ngai hlawm hle.

b) *Branch rorel bawhzui* :- Branch rorel hi kan bawhzui that hlawm hle lai hian Secretary te tun aia tan lak leh zual nise.

c) *Section/Sub-Commitee rorel bawhzui* :- Kan bawhzui tha hlawm hle a, Section huangchhunga hruaituten kan chanpual insem ah tan lak kan la ngai hle. Tin, Sub-Committee rorel, Section te hmalak ngaihna turah pheikhai rual taka hmalak erawh kan la ngai hle.

Branch News

Central YMA-a Research & Rescue Volunteer turin kan Branch YMA atangin Pu H. Vanlalvena leh Pu Vanlalvuana te ruat an ni.

Ni 24.5.2011 (Thawhleh) zan hian YMA Day Programme Committee te Pu Lalliansangpuia te In-ah thutkhawm tur a ni e.

Section hrang hranga Chhiatni fund, YMA Aw man la pe lote chuan a ranglama Section hruaitute hnenah pe zel turin kan in ngen e.

Branch Executive Member Dr.Lalramliana chu an school naupang Excursion in phaiah a hruai a, dam taka a lo haw kan beisei.

Ni 17.5.2011 thlenga YMA AW man luh dan :-

Section	Lak zat	Hmuh zat
CH	181	` 7880/-
K	197	` 15,760/-
N	127	` 10,160/-
T	227	` 16,320/-
V	197	` 13,500/-

PEM LUT

Heng a hnuai mite hi kan vengchhungah an rawn pem lut a, mi tha tak an nih kan beisei.

Pu TC Lalchawimawia te chhung Bungkaw atanga rawn pem, Pu H. Vanlalduata In 'N' Section-ah.

Pu Micky Lalrohluah te chhung Vairengte atanga rawn pem, Pu C.Lalthazuala In 'N' Section-ah.

Pi J.Lahlupui te chhung Bawngkaw atanga rawn pem, Pu H. Vanlalruata In 'N' Section-ah.

Pu Lalsangzuala te chhung Bawngkaw atanga rawn pem, Thlan In bul 'N' Section-ah.

CYMA leh I&PR Deptt. tangkawp buatsaih Media Workshop 2011

Ni 19.5.2011 (Ningani) Dar 10:00 a.m khan Central YMA leh I&PR Department tangkawp in an buatsaih Media Workshop 2011 chu I&PR Auditorium ah neih a ni a, thupui atan 'Media hmanga Khawtlang Nun Siamthat' tih chu hman a ni. He workshop hi Pu J.H.Zoremthanga, Vice President CYMA in a kaihrui a, Pu Zodintluanga, Minister I&PR chu Chief Guest a ni.

Workshop hi Session hnih a then a ni a, First Session ah hian Pu Lalsiama Fambawl (Deputy Director, I&PR) chuan workshop thupui hmangin Paper a present a. Second Session hi Pu R.Lalawmpuia, Chairman Literature Sub-Committee, CYMA in kaihrui in Ni.Irene Lalruatkimi (Committee member Literature Sub-Committee CYMA) in 'In-House Journal' tih thupui hmangin Paper a present bawk a ni.



TUN KAR CHANGVAWN

Sawisel suh u, chutichuan sawiselin in awm lovang; tumah thiam lovah ruat suh u, chutichuan thiam lohvin in awm lo vang; ngaidam rawh u, chutichuan ngaihdam in awm ang. Luka 6:37

Editorial Board

Editor

RK.Rozidinga
9436142304

Joint Editor :

RK. Malsawmkima
9862578441

News Editor

Tv. Thangkuma
9862303135

Pu Vanlalhluta
9862366308

Tv. Vanlalfawna
9856301975

Cir. Manager

Johny Lalthanpuia
9612359161

Jacob Lalrinsanga
9612319779

Production

Manager
R.Lalmachhuana
9436151817

Branch Office Bearer

President

T.Ngurkhuma
9436190843

Vice President

R.Lalmachhuana
9436151817

Secretary

RL.Thanhnuna
9436152760

Asst. Secretary

K.Darthanthuanga
9436196071

Treasurer

C.Lalzarliana
9436142049

Fin.Secretary

Lalthuamluaia
9612216649

Advisers

Pi Zamanthangi
Pu Vanlalsawma
Pu Rothuama
Pu Lalbiakthanga
Khangte

Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlina kha hlen rawh. II Tim 4:5

Editorial : Tunlaiin kan vengchhungah Ruihhlo in thawm a nei leh ta zeuh zeuh mai. YMA in kumpuana a neih 'Khawtlang Nun Siamthat' hlawhtling tur chuan heng ruihhlo leh ruihhlo vanga vengchhunga harsatna hrang hrang tena min kiamsan tur chuan YMA memberte leh hruaitute mai bakah khawtlang nu leh pa te hian nasa lehzuala kan ven a kan do a ngai a. Vawilekhkatak a kiam duak thei lo a nih pawhin zawi zawia tan kan lak a kan tih rem a ngaiin, rilru tak taka kan vei zui a hun tawh takzet a ni.

YMA hmalakna hlawhtling tur chuan inpekna tak tak neih a ngai a, NGO hrang hrangte lungruual taka ke kan pen a pawimawh takzet a ni. Veng nuam leh muanawm ni tur chuan 'Inlungrualna' hi a pawimawh ber fo tur a ni a. Kohhran a ni emaw YMA a ni emaw khawtlang thlamuanna tur chuan rilru hmunkhat pu a kan thawh ho dial dial a ngai tih kan hre theuh awm e. Chuvang chuan Khawtlang Nun siamtha tur chuan a mi cheng te hian pawimawhna kan nei theuh a ni tih i hre thar leh theuh ang u. Kan tu leh fa ten he veng, he khawtlang leh ram hi an la rochun tur a nih tih hre reng chungin kan theihna leh thiamna i hmang thar leh ang u.

Article :

FUR RUAHTUI LEH KAN CHENNA HMUN HI

- K.Sangkhuma (CH-Section)

Tunah hei May-June thla kan lo chuangkai leh ta a, Furpui thla 4 chhung vel chu ruah tam taka a sur hun lai vel kha a ni. Equator hmar lam Tropic of Cancer in kan ram a tan tlang avangin ruahtui kan dawng tha hle. Chawhrualin 25cm/year kan dawng a ni. Hemi chung hian Aizawl khawpui leh a chhehvel veng /khua te kan buai hle thin. Zingah chanchinbu han bih ila, a front-line changpha hial khawpa thihna tuar leh hliam tuarte kan awm thin a nih kha.

Hei hi a chhan chu khawpui awihpanga kan in rem vang a ni, nimahsela hetah hian tumah mawh leh dem tur kan awmlo, khampang khawpui huam chhunga kan chen vang a ni mai. "Zoram khawvel" tih ziaktu L.Keivom, Indian Foreign Service, khawvel hmun hrang hrang a thawk leh zin kual vel thin chuan, "Khawvel hmun hrang hrang ka vah tawh naah chuan Aizawl khawpui hi a la chhengchhe ber," a ti. A sawi zel naah chuan, "Aizawl chu a thang a, khampangah khamsang zawk din turin an in tlansiak a ni. Khawvel Town planner thiam ber pawh ruai sela, ani pawhin tih ngaihna a hre bik miah lovang," a ti a ni.

Nimahsela, kan khawpui Aizawl a kan chen ve duh tlat si chuan kan chenna in velah tui luan kawr te chhak lam atang a kan chenna rawn ti buai thei tur lakah hma kan lo lak ve a ngai kumtin a nih hi! "Prevention is better than cure" tih a nih kha.

Khawinge, India rama state tam zawkin an buh leh bal tana ruah tui kham khawp he season a an hmuh theih loh laia, chhiatphah nan keinin kan lo hmang tlat si hi, "Scheme tereuhte" siamin he Pathian malsawmna kan dawn hi i lo hmang tangkai dawn teh ang:

Tuizem, kan in bul remchang lai a piangah van ruahtui tla dawng turin kan lo siam anga, kan lo dah khawl ang. In adung 6m,

avang 4m, lekah hian ruahtui tla zat chu 6x4x2'5x1000 litres = 60,000 litres a tling. Hei hi chhungkaw 10 in nitin mi 1 in 20 litres hmang ang a chhutin thla 10 tla a tling a ni. (Rainfall 250cm/year).

Heihi a harsa deuh a nih pawh in thla thum tla tal dah khawlna tur tuizem nei thei ila chuan thalah harsatna kan tawh loh phah ang, chumi atan chuan chhungkaw khat a mi sawm, mi pakhatin nitin tui 20 ltrs emaw tin khat zel hmangin thla thum tla tur zat chu 10x20x90 litres = 18,000 litres a ni a, tuizem a dung 3m avang 3m leh a thuk zawng 2m a tawh chia. Hei hi ruahtui tlak tawp October chhungin dah khat ila, thla 4 or ni 120 kan tla thei ang. Kan tum tak tak phawt chuan khawpui mi tan chuan a harsa vak lo.

Hetianga kan in chung leh hmundanga tui vantla ral mai mai tur kan lo dah that (Stock) chuan thal-va-ek-char tui van laite, PHE Department in tui an sem that loh hun pawh in kan buai tawh dawn lo a ni.

Awle, kan thupui khi hrerengin he furpui lo thleng kumtin mai hi kan pumpelh dawn siloh avangin kan chhiatna lam aia kan tangkaipui hlauh nan "**Scheme tereuhte**" kan siam ang khian ti hram thei ila, kan in him nan leh kan chhungkaw tan tui lama kan awlsamna a lo ni bawh dawn a ni.

IGNOU ADMISSION

Central YMA hnuai IGNOU Special Study Centre ah, heng a hnuai Course te hi May 30, 2011 thleng Admission a la tih theih e.

- Course : BPP (Bachelor Preparatory Programme)
Duration : 6months
Admission Fee : ` 1000/-
Zir thei chin : India khua leh tui kum18 tling chin.
- Course : CDM (Certificate in Disaster Management)
Duration : 6months
Admission Fee : ` 1700/-
Zir thei chin : 10+2 emaw a tlukupui pass tan

3. Admission tih nana tul te : Passport Size - 3copies, Tribal & Residential Certificate (Attested), Age Proff Certificate (Birth/Baptisma/Educational Certificate)

Admission Fee hi hmuhlet leh vek theih a ni a, lehkhahu a thlawn a dawn tur a ni bawh. A thlawn liau liau a zirna a ni.

Hrechiang duh tan :

CYMA Office-ah emaw, Coordinatory Dr.C.Lalthlengliana (Mobile-9612163379)

NEUVA

Ni 19.5.2011 (Ninga) zan khan Section Committee pawimawh tak neih a ni. An section project a hlawhtlin theihna tura tanla theuh turin an in hriattir.

Ni 14.5.2011 (Inrinni) a T-Section hruaitute nen Football friendly match an khel ah chak zawk nihna changin champion lai tum ngam section dang an awm a nih chuan Section hruaitute an in peih reng e.

Section budget branch-in a tuk ` 4500/- chu memberte tanlakna avangin tlak fel a ni ta.

House no. leh Name plate la nei lo leh siamthar ngaite siamthat tum ani a, hruaituten bial tin a a duh turte an rawn zawt kual dawn a, la neilo leh siamthar ngaite chuan lo hriattir turin an ngen.

An Leader chhiat tawhna avanga seling a zin leh an hruaitu Pu Malsawma chhinte, Pu H. Vanlalruata, leh Ni. Lalthachungi zinte damtakin an lo haw leh ta.

An member damlo Ni H. Lalthanahimi leh Pu Zonunsanga te chu an dam leh thuai an duh.

Central YMA in vai mistiri hlawh ` 300/- leh helper hlawh ` 150/- aia sanga chhawro tur a thuchah a siam angin in sa mek ten zawm theuh turin an ngen.

Mizoram Labour Association in Lucky ticket sumtuaknana an siam chu section sumtuaknan zawrh hlawh a ni a, chhungtinte lo leisak turin an ngen.

Sairang road a Pathianni a motor sil thinte Branch YMA in motor silin a kaihnawih ZU leh Ruihhlo a hluar avanga sil tawhlo tura ngenna a siam bawhzuiin waviin tlai dar 4:00 ah Pasaltha Neuva In ah inngakhawm a, Duty tur a ni.

KHUANGCHERA

Dt 17.5.2011 khan an hruaitu Pu T. Lalrinawma'n Fire dept a mechanic hna a hmuh lawmnan chawhluai a buatsaih an kilho chu lawmthu an sawi a, member an kal tha tawh lo erawh chu pawian ti hle a ni.

An hruaitu Tv. Laltlankima'n eizawna lam a training a neih dawn avangin a nihna a chhonzawm thei lo chu pawian tih rualin an lawmpui tak meuh meuh.

Branch YMA Committee kal tlangin Section Committee member atan Pu R. Lalthanpuia Bial 2-na chu an ruat thar.

VANAPA

Ni 19.5.2011 (Ningani) zan khan Ni. Vanlalmuanpuui te inah Section Committee neih ani.

Zirtawpni zing khan Rawra thiara hnatlang neih a ni a, member 20 chuang an thawk chhuak.

Pu C. Thanchungnunga'n Bawlhhlawh bawm tur Rawng bur 10 chuang a pe a, a chungah an lawm takzet a ni.

June thla chhungin Doordarshan a thun tur Music Video Shooting neih tum ani.

Fin. Secretary, Pu P. C. Lalawmawian Section mamawhna hria in Tray 6 leh Emergency Light (LED Light) a rawn Donate chu an lawm hle.

An hruaitu hluai Pu Remsangpuia leh Pi Lalchawimawii ten fapa an nei thar a an lawmpui hle.

An Section Zaipawl member Ni. C. Lalbiakzuali d/o C. Lalsangzuala chu IMEM Solo Competition ah Top Ten ah a tling a, pakhatna anih ngei an duhsak.

Section hruaitu hluai Tv Racy K. Lalremmawia Lajong FC tana I-League Qualifying hlawhtling taka a khel hnuin chawh a rawn hman mek..

Benjamin Lalnunmawia s/o Vanlalchhandama chu MBSE buatsaih Technical Entrance Exam ah a tling.

An Leader Pu V. L. Thakima chu a makpa boral avangin Seling lamah a thang mek a, an hruaitu Pu Gordona nu unau nu Chanmari ah a boral bawh.

TAITESENA

Rokhawlhna dang a awm loh chuan tunkar lo awm tur Ninga zan (26.5.2011) hian Section Committee neih tum a ni a, hruaitute hunawl lo insiam theuh turin an in ngen.

Section ten a kan hman tur chaw chhum hminsa dah na tur zem Pu K. Lalremruata'n min siamsak chu lawmthu an sawi takzet.

Chhiatni Fund leh YMA Aw man la pe lo te a ranglama pe fel thuai turin an in ngen nawn leh.

Branch YMA in Section inhlawhna tur atan Side drain Cover siam dil an phalsak chu an lawm hle a, hemi atana hmalaksaktu Pi Zamanthangi, Councillor leh Local Council memberte chungah lawmthu an sawi mawh mawh.

CHAWNGBAWLA

Ni 20.5.2011 (Zirtawp) zan khan Pu R. Thansanga Inah Section Committee an nei.

Section chhunga rawlthar ten awmdan mawi an hriat theihnan zirtirna Ni 3.6.2011 zan dar 7:30 ah YMA Park-ah neih a ni dawn a, rawlthar zawng zawngte kal ngei turin an in ngen a, sawmna sem thuai an tum bawh.

Section chhunga damlo, damdawiin a awm Pu Saithanchhunga, Pu Lalrinthanga, Pu C. Sangkhuma leh Pi Laihnuni te chu an dam leh thuai theih nan duhsakna an hlan.

Pu Jimmy Lalrintluanga chuan fapa duhawm taka nei a, an lawmpui hle.

YMA Aw man ` 12,520/- tun dinhmunah thehluh tawh a ni.

ZCC NEWS

Dt 14.5.2011 (Inrinni) khan 26th Assam Rifle Rising Day A.R Lammual a lawmna ah Programme an nei a, member 30 lai an thawk chhuak.

Dt 28.5.2011 (Inrinni) a Reiek a M.C.O in Mizo Kutpui a neih turah Rallu Lam ti tura min ruat angin tih hlawhtlin ngei tum ani.

Member lam zir turin Ni 23.5.2011 Thawhtan zan dar 8 ah Indoor Stadium ah kal vek tur a ni.

CWSC NEWS

Ni 16.5.2011 (Thawhtan) zan khan OB Meeting neih a ni a, 2011 chhunga Executive Committee member, Advisor leh Patron atan heng mite hi an ruat :

Executive Member :-

Pu Lalbiakhlua, Pu H. Laltanpuia
Pu R. K. Ramherliana, Tv Isarela,
Pu Henry Lalremruatpuia,
Tv Zohmingliana Tlau, Pu Zonunsanga,
Pu Lalchhuanliana, Pu C. Vanlalhruaia,
Pu Zoramthara, Pu F. Lalthmingmawia,
Tv Lalfakzuala, Pu H. Lalremruata,
Pu. Lalthmingliana, Pu Lalnunsanga,
Pu Zonunmawia, Pu Remsangpuia,
Pu Hmingthansanga, Tv Zohmingsanga,
Tv Lalmanpuia Jongte, Tv David
Lalramnghaka leh Tv Thangsuanmanga

ADVISER :- Pu T. Ngurkhuma,
Pu T. Bualzika leh Pu Lalbiakthanga
Khangte

PATRON :- Pi Zamanthangi

Ni 24 May 2011 hian Sporting Club committee neih a ni dawn a, memberte hun lo insiam hram turin an chah.

CYMA NEWS

☞ Central YMA Office-a thawk turin Computer Operator thiam tak mamawh a ni a, hlawh chu thlakhatah Rs. 5,000/- (Fixed) a ni ang, dil duh chuan Plain Paper-ah ziakin ni 27th May, 2011 hmian Central YMA Office-ah thehluh tur a ni. Dilnaah hian Bio-Data ziah lan tur a ni a, Branch YMA Recommendation thil tel tur a ni. Ni 30th May, 2011 dar 10:00 AM ah Central YMA Office-ah Interview neih tur a ni.

☞ Central YMA Free Computer Centre-ah zir duh tan Admission a tih theih a, Admission Form hi ni 23.5.2011 thleng Form hi lak theih a ni. Ni 30.5.2011-ah thehluh tur a ni. Ni 31.5.2011-ah Interview neih a ni ang. Diltu chu HSLC passed chin an ni tur a ni. Hemi chungchanga hriatchian duh nei chuan Pu Lal Rimawia, Secretary, Documentation & IT Seub-Committee, Central YMA Phone - 9436140005 emaw Central YMA Office-ah emaw zawhchian theih a ni e.

☞ Ni 17.5.2011 zan dar 7:00 khan Central YMA Hall-ah CEC Meeting neih a ni a, Meeting hi Pu Lal Chungnunga, President, Central YMA-in a kaihruai. He meeting-ah hian Union Home Minister P. Chidambarama'n Tuikuk chungchanga Mizoram a rawn tlawh dawn avanga NGO leh Political Party hrang hrangte nena Joint Meeting neih a nih thu leh Memorandum thehluh tum a nih thu report ngaihthlak a ni a, Zu khapburna dan hman zui a that leh that loh chungchanga CYMA ngaihdan MLTP Act Study Group-in min zawhna chu sawizuiin Zu khapburna dan hi a hlawhtling kan ti lova, Sorkar-in he dan hi hman zui zel a tum a nih chuan hlawhtling leh khauh taka ken kawh theih DAN siam ngei rawh se tih a ni. RBI phalna neilo Bank/Financial Institution zawng zawngte chu Sorkar-ah thlenin dan anga hma la tura ngen nise tih a ni bawk. Tin, RBI phalna leh dik taka awm Bank/Financial Institution te chu mipui ten tangkai zawka kan chhawr theih nan Central YMA nen inkawmhona neih nise tih a ni bawk. Ruihhlo ngaite puala Camping neih remtih a ni a, Speaker tur chu OB ten lo ngaihtuah se tih a ni bawk. He Meetingah hian Chaltlang, Venghlui leh Bawngkawn South Branch YMA atanga Life Member dil mi 23 te chu pawmpui a ni bawk.

☞ Ni 14.5.2011 khan NGO Joint Meeting (CYMA, MHIP, MUP, MZP) Central YMA Committee Room-ah neih a ni.

☞ Ni 16.5.2011 khan NGO leh Political Party hrang hrangte CYMA Committee Room-ah Joint Meeting neih a ni a, Tuikuk laklet chungchang a Union Home Minister P. Chidambaram lo kal tur hnena thehluh tur Memorandum siam a ni a, Uniuon Home Minister hi a lo kal leh tak loh avangin Governor hnenah thehluh a ni a, Speed Post-a thawn a ni bawk.

Hostel & Tuition

I fate Mathematics leh Science -ah harsatna an nei em? Displine tha tak hnuaiah Experience teacher in an enkawl Fred-Bee Hostel & Tuition Centre, Zotlang-ah lokal la, kan pui thei reng che a nia. Hostel pangngai bakah Night Hostel admission a tih theih reng e.

Contact :-
9862325133 / 9436152297



Media Workshop 2011

Sub - Committee Report**Kumpulan Sub-Committee :-**

☞ Ni 9.5.2011(Thawhtan) zingkar khan Vengchhunga Damdawi zualte tlawhkualin Damdawi ruihtheih lampang chi fimkhur taka hralh tura ngenna lehkha pek an ni.

☞ Ni 15.5.2011 (Pathianni) khan Vawk road phei ah Zu fun engemawzat man a ni a, a tul anga action lak zui nghal a ni.

☞ Vengchhungah ruihtheih thil ti a buaina siam leh bengchheng an awm zauh zauh thin chu an ngaimawh hle a, heng ang buaina siam leh bengchheng thin te hi an man a nih chuan dim an tum lo hle.

Thlanmual Sub-Committee :-

☞ Ni 19.5.2011 (Ningani) zingkar khan Branch OB te leh EE,PWD te nen thlanmual thar kawng Edenthar panna kawng in a rawn pawhna chu en ho a ni.

HETAH HIAN SMS LA

>>9774170328<<

☞ Central Road-a naupang infiam thin te hi sim a hun tawh khawp mai. Kawng a zim si a, lirthei khalhtu tan a hlauhawm mai bakah in tihpalh te a hlauhawm si a.

857571_ _45

☞ Section thenkhata khawhar in lenpui na ah hian a section neitu hruaitute a chhunga thut tum lo an la awm fo mai hi sim a hun tawh khawp mai. OB te lu in ti hai hle thin a ni.

977500_ _10

☞ Kan bialtu MLA khan Hall tha tak siamsak min tiam kha a ni a, a va reh rei ta ve..! Ruling lama kan hruaitute hian in la chhinchhiah ve tho ang chu maw.

986221_ _32

☞ SMS leh a kaihnawih hi a theih hram chuan a chunga Mobile Number-ah hian thawn theih hram nise kan lawm hle ang. (Ed.Board)

(SMS kan dawn te hi Ed. Bd ngaihdan a ni vek kher lo)

Vety hriattirna

Rural Animal Health Centre (RAHC) Chanmari West ah vawk pulhri venna (SFV) a awm a, mahni vawk chiu tir duh te chu i/c VFA Chanmari West hnenah Ni 27.5.11 (Zirtawp) hmian mahni awmna section leh vawk neih zat nen in report tur a ni.

Chawngzamlova VFA N-Section**ADVENTURE CLUB**

Chanmari West Youth Adventure Club din tum a ni a, adventure lama tuimi kum 15 chin chunglam ten membership fee 15/- pe in, engtiklai pawhin member a nih theih reng e. Hrechiang duh emaw zawhfiah tur nei chuan a zawh fiah theih reng e.

Lalremtluangi (Remremi)
9862261504

Chanmari West Pig Producers' Cooperative Society Ltd. Hriattirna

Ni 27.5.2011 (Zirtawpni) chhun dar 11 hian Vice Chairman, Pu B.Savunga inah Assembly 2011 neih tur a ni a, kum 2011-2012 chhunga hruaitu thlanna neih nghal tur a nih avangin memberte kim taka kal tura ngen leh hriattir kan ni e. Hemi ni hian member tinin Rs 10/- ken theuh tur a ni. Tin, memberten aiawh tir lovin share holder ngei kal tur a ni a, vawk chaw sem a ni ang.